

明

清

史

料

第九本

明清史料 第九本

中華民國二十年六月

刊印

批發處

實售國幣壹元

上海亞爾培路三三一號

國立中央研究院出版品國際交換處

北平北海公園

國立中央研究院歷史語言研究所

代售處

各地商務印書館

北平各書店

代售者
得酌加運費寄費

此書版權由本所保留

明清史料目錄

第九本

八百零一至九百葉

兵部行(監視宣鎮太監王坤題)稿

八〇一

兵部題(宣大總督楊嗣昌火牌)行稿

八五五

宣大巡按米助國題本

八〇三

兵部題(宣大總督楊嗣昌等火牌)行稿

八三六

監視登島太監魏相題本

八〇六

兵部題(宣大總督楊嗣昌火牌)行稿

八三七

關外糧儲督理曹夢吉奏本

八〇〇

兵部題(宣大總督楊嗣昌火牌)行稿

八三八

監視宣鎮太監王坤題本

八二三

兵部題(宣大總督楊嗣昌等火牌塘報)行稿

八三〇

宣府巡撫陳新甲題本

八三三

兵部題(大同巡撫葉廷桂塘報)行稿

八三三

兵部行(監視宣府太監盧維寧題)稿

八三五

兵部行(宣府巡撫陳新甲題)稿

八三三

兵部題(宣府總兵官盧抱忠塘報)行稿

八三八

監視宣府太監盧維寧題本

八三四

兵部行(監視宣府太監盧維寧題)稿

八三七

兵部題(宣府巡撫陳新甲題)行稿

八三五

兵部行(宣大巡按梁雲構題)稿

八三八

兵部尚書張鳳翼等題行稿

八三七

兵部行(宣大總督楊嗣昌奏)稿

八三三

監視登島太監魏相題本

八四一

兵部行(宣大總督楊嗣昌奏)稿

八三三

登萊巡撫陳應元題本

八四三

兵部題(宣大總督楊嗣昌火牌)行稿

八四四

兵部題(朝鮮國王咨)行稿

八四六

宣府巡撫陳新甲咨兵部文

八四七

兵部行(吏部咨)稿

八四八

寶坻縣知縣漆園奏本

八四九

兵部題(大同巡撫葉廷桂塘報)行稿

八五〇

兵部行(吏科都給事中顏繼祖題)稿

八五一

兵部題(宣府巡撫陳新甲塘報)行稿

八五二

兵部題(總理盧象昇塘報)行稿

八五三

京營總督朱純臣等題本

八五四

京營總督朱純臣題本

八五五

兵部等衙門題(宣大總督盧象昇奏)行稿

八五七

兵部題(宣府總兵楊國柱塘報)稿

八五九

兵部行(分守昌宜太監鄭良輔題)稿

八六〇

兵部行(總監大同山西太監陳貴題)稿

八六一

遼東巡撫方一藻題本

八六二

兵部尙書楊嗣昌題稿

八六六

兵部題(宣府總兵楊國柱塘報)行稿

八七〇

兵部題(長沙舉人黃裳吉奏)行稿

八七一

兵部題(宣大總督盧象昇題)行稿

八七五

兵部題(兩廣總督熊文燦咨)行稿

八七八

兵部行(大同巡撫葉廷桂咨)稿

八七九

兵部行(兵科左給事中孫題)稿

八八〇

總監關寧太監高起潛題本

八八二

登萊巡撫楊文岳題本

八八四

總監關寧太監高起潛題本

八八五

兵部行(分守口北道右參議賀鼎呈)稿

八八六

兵部題行稿

八八七

兵部題(分守昌宜太監魏邦典題)行稿

八八九

兵部題(宣大總督盧象昇塘報)稿

八九一

兵部題(分守眞保太監陳鎮夷題)行稿

八九二

兵部題(司禮監太監曹化淳題)行稿

八九四

宣大總督盧象昇題本

八五

兵部行(宣府獨石路參將薛光胤奏)稿

八六

兵部行(候代宣大總督盧象昇題)稿

八七

登鎮遊擊戚司宗奏本

八八

關外糧儲督理鄭澆題本

八九

明清史料

第九本

八百零一至九百葉

兵部行「監視宣鎮太監王坤題」稿 宿字三百九十六號寫訖

兵部爲遵旨確覈奏報事職方清吏司案呈奉本部送兵科抄出宣鎮監視太監王坤題前事內稱崇禎七年十月初九日准兵部手本職方清吏司案呈奉本部送兵科抄出宣大巡按御史米助國題爲遵旨查明據實具奏奉聖旨前旨著查見在擊賊官兵彼時即應按閱行間能戰若干據實奏聞若事後檄催但憑冊報仍是循襲塞責這所列兵馬數目著速催監視確覈奏報兵部知道欽此欽遵轉移至臣准此該臣案查得宣鎮見在兵七萬有餘臣查邊回日已經細開欸項具有清冊進呈御覽訖所有堪戰鋒精樣兵三萬三十員名將見在行間者臣謹遵旨確覈明白據實奏報伏祈聖明垂察焉且以九路言之七十四城堡各有精樣兵三二百名不等共一萬三千七百員名當虜之入犯在在被兵路將守操等官各存其兵自爲戰守臣等亦以東路南山水寧懷來等處擁護陵寢不敢調其餘沿邊路口復有數目叛降之夷往來窺伺故皆悉置而弗調然而各路得藉之以有斬獲功姑勿論也除此鎮城尙存三營鋒兵總兵鋒丁正標奇遊等營精樣兵一萬六千三百員名臣與撫臣焦源清商議已留新舊兩遊兵營精樣兵一千餘員名在鎮城內節營慮恐緩急應援四面城守而中權營參將孔登科龍門一戰折傷幾及九百雖見在鋒精樣兵猶有一萬四千有餘而有馬者止八千九百餘臣等發兵時曾將步兵十分搭配二三分與之而領兵官於路有遣回者恐以爲累臣等亦不能強自七月初八日起大虜內犯本日總兵張全昌聞虜即同副總兵張懋功都司黃應選等率領

鋒精樣兵四千四百餘員名在鎮城外二十里拒虜初八日又中權營參將孔登科率本部鋒兵三千員名禦賊於龍門十一日深井堡被圍甚急臣等發圍營都司黃應選左翼營遊擊杜維棟內哨守備李汝清鋒兵守備賈梧把總傅興等各領鋒精樣兵五百名哨剿斬首一十二顆二十日右翼營遊擊頗重耀率本部鋒兵三千追賊於桑乾河驅虜入水溺死虜騎甚衆二十三等日總兵張全昌副總兵張懋功參遊都司杜維棟頗重耀董繼永趙之蘭黃成等各督正奇標兵等營鋒精樣兵共五千餘員名在大同渾源對虜斬獲首級一百一十八顆二十五日頗重耀領守備楊一傑王宗禹領本部兵於李信屯天城枳兒嶺等處追賊救援二十五日又總兵張全昌發守備康永福劉光正等領本部漢夷精樣兵在陽和城外擊賊斬級奪回贏車人畜又龍王堂箭營點放西洋砲擊賊二十八日總兵張全昌發副總兵張懋功坐營馬登雲各領精樣兵五百員名往西城冰冷溝堵賊去訖閏八月初二等日臣陸續發都司董繼永參將孔登科等領有馬鋒精樣兵一千一百六十員名加銜遊擊黃成等統領有馬精樣兵一千一百員名會合總兵張全昌都司遊擊黃應選頗重耀杜維棟等各領本部人馬在羊房張家口膳房等堡三路出兵追剿大虜斬獲首級七十八顆此皆見在行間擊賊之數載在塘報可查並無絲毫假借夫此三萬兵也固未嘗總合一營以往而諸將各統所部紛然難出更番往來故遂見少而不見多臣敢不據實奏報耶伏乞聖明勅部覆查施行等因崇禎七年十月二十三日奉聖旨該鎮鋒精兵果有三萬何故賊至全無備禦明屬虛飾還著遵旨確查據實具奏兵部知道欽此欽遵抄出到部送司案呈到部擬合就行爲此合用手本前去欽差監視宣鎮太監王處遵照明旨內事理限十一月初旬查明具奏施行崇禎七年十月二十九日郎中鄒毓祚鄭觀光

宣大巡按米助國題本

崇禎七年十一月初二日抄送奉旨五日爲期應本月初六日議覆兵部呈於兵科抄出

巡按宣大等處監察御史臣米助國謹題爲遵旨回奏事崇禎七年閏八月二十二日准兵部職方司手本奉本部送該本部題前事等因本年閏八月十九日奉聖旨知道了原防真保各兵楊嘉謨已有旨巢不昌等俱著撤回原鎮文武功罪當合三鎮並論顯著的豈止宣大爾部即遵旨列名詳議併關寧二鎮被糾事情通著明白議奏其應詳覈的著該巡按御史作速嚴查據實奏明不得延飾欽此欽遵又爲遵旨嚴核議奏事本年九月二十八日准兵部職方司手本奉本部送兵科抄出該本部題前事等因本年九月二十一日奉聖旨邊政積玩核議宜嚴須詳查入口某處疎防出口某處怯縱失陷城堡多寡斬獲功級眞贋逐一分明晰務期罰必當罪方足懲前毖後這所議殊屬疎率如鎮臣援帥功級尙未查明憑何參酌核議且張全昌曹文詔同事異議法豈稱平道將如張抑之原係革職候奪又所失一縣三堡盡屬轄地何僅議降級管事王濬雖經降處復失左衛應否罪不再科至督撫議罪爾部自應會同何得以刑部諉卸併傳宗龍通著確議另奏其事關行查的卽勒限嚴催不許少延又前疏尙有縱賊入口將領陳上表等本內如何不載也著奏明欽此欽遵節經移文到臣先是於奴酋出口之日卽已嚴行七道將文武所有功罪責成確查詳報矣比及樞部節經覈奏疊奉明旨職方司移文到臣不次差役前去雲鎮守催速報報不如式則又再三駁行至昨十月十四日始據宣府守口道十五日始據大同巡冀道各詳冊到臣臣棄去他務將兩鎮塘報手自磨勘不敢少有參差然而文武罪狀之外仍有戰守之功卽鄉紳士民嬰守著勞捐助急公者臣曷敢不以上聞於是列爲功級守城捐助三項冊各一本委令兩鎮推官督造進呈御覽黃紅文冊磨勘繕寫尙須旬日方可竣事具奏夙夜飲水何敢

遲玩自干譴責但臣之愚坐在妄擬虜夷犯順兩鎮諸臣之罪雖莫追於功令然狂奴傾巢大舉糾連哈插狼奔初來逆膽蔑視宣雲有如拉朽恣橫之志不知何如而大小諸臣無不殫竭以固封疆不能堵其入邊是罪而能擊其出口是功不能一朝滅此隻輪不返是罪而斬首共九百餘級砲擊斃奴八九千餘夷是功攻陷三城六堡是罪保守一百三十六城堡是功罪不等于大凌功在寧前之上故冒昧思將兩鎮功罪備列並陳以俟聖明洞察可以雷霆懲邊臣疎弱之罪可以雨露懋勞臣綢繆之功令海內臣民仰見皇上恩威賞罰與天地覆載日月照臨並其無私也此臣一念犬馬僕忠如此故鎮路戰守功次必取核于七道而道臣必以各廳官分查核實爲據而後彙詳到臣以致層疊稽延臣之咎也頃接邸報見兵部奉有三鎮總兵張全昌等革任查議按臣仍循故套再遲參處之旨臣悚懼汗流浹踵因伏地深思始愾然微悟知聖斷先罪後功以肅國法臣職在巡方不早陳諸臣罪狀而必大小各城與擊賊諸戰守功次轉核並陳以致遲延溺職罪應萬死者能蚤體淵衷則諸臣罪狀一一昭然于皇上遐覽之下臣即愚鈍亦少有聞見不必道府可以旦夕報命矣茲敢將有罪諸臣臚列其罪仍敢不避斧鉞而併及其功悉爲皇上陳之兩鎮之蹂躪也罪在不能堵之于入口之際攻陷次之出口又次之以此衡文武之罪守備守一口者也參將守一路者也道臣無兵馬之權有地方之責者也其罪以遞爲重輕者也除死難諸臣俱殉節抒忠內有已經奉旨優卹者統俟彙奏并鎮羌堡守備許平虜樣田堡防守張榜已奉明旨提問西城守備閻可久吳家窯團總董夢吉見奉旨查奏桃花堡防守霍耀投虜通誅並不復贅外今以守備言之宜府膳房堡守備王國禎大虜入不能防出經其地傷亡墩軍五名失馬六匹其罪也而親斬五級部斬七級救回難民八十四名口其功也新開口守備司進惠虜自膳房出口接連該堡

信邊因而亦有出者陣亡兵丁一名傷失馬六匹其罪也而親斬二級部斬九級捉獲奸細二名救回難民八十名口其功也龍門城守備李承勳虜自該弁信邊入口陣亡軍丁六十八名失馬騾四十九匹頭其罪也大虜攻圍該城力保孤塘出塞部斬八級其功也獨石守備陳上表虜從該弁信邊入口沒傷官兵墩軍共一十員名失馬三十四匹其罪也而部斬虜級四顆其功也大同署鎮堯堡守備崔潤虜從該堡信邊出口其罪也而親斬一級部斬六級救回宗民六位名其功也拒牆堡守備張于關虜自該堡信邊出口陣亡軍一名失馬騾三匹頭其罪也懷來遊擊郭秉忠失陷保安迺其信地其罪也而以城守奉旨加級部斬三級其功也以參將言之宣府上西路參將王濬大虜從膳房入口從膳房新開出口失一左衛傷擄軍丁共七名失傷馬一十三匹其罪也而親斬二級部斬三十四級捉獲奸細一名救回難民八十七名口其功也上北路參將馬明英虜從獨石入口失陷伴壁店一堡係本將信地陣亡軍丁十六名失馬九十四匹其罪也而部斬四級其功也中路參將周紹先虜從龍門入口係本將信地陣亡軍丁六名陣失馬十三匹其罪也下北路參將管鳴珂失陷長安嶺一堡係本將信地陣亡軍丁十六名失馬騾十六匹頭其罪也而部斬二級其功也中權營鋒兵參將孔登科陣亡官兵八百七十八員名失馬騾四百六十三匹頭其罪也而部斬六級收兵入城協同龍門守備李承勳登城死守虜遂解圍城賴以全其功也南路參將馬貴失陷桃花一堡是其信地又督臣糾其一砲不發其罪也而深井嬰城擊虜迺本將預駐防兵以把總馬天震領之之力居多其功也大同署得勝堡參將事監視中軍李珠協理原任守備李思孝虜從鎮口拒牆二堡出口係兩弁署協信邊傷丁五名失馬七匹其罪也各親斬一級其功也以各道言之宣府分守口北道今降三級戴罪管事范鏞虜自膳房出入失陷左衛桃花堡皆

係屬地其罪也二萬援師日食千石本官不避泥雨沿途輓輓數日之內運米一萬三千師皆宿飽若夫晝夜乘陣東西調發錢米煤炒載道兵夫日食功次賞贖芻糧火藥扒濬沙濠葺城列石莫可殫述皆一手經理其功也分巡口北道今降三級戴罪管事劉象瑤虜自龍門獨石入口失陷長安伴壁二堡皆係屬地其罪也本官任內清厘生節至一萬四百金造買大砲百位鉛鐵彈三萬二千餘皆不費公帑半縑造買盔甲大砲佛朗機三眼鳥鎗弓刀數千有奇硝黃一十六萬而買馬儲糧不與焉其功也懷隆兵備道今戴罪張維世保安失陷迺其屬郡其罪也本官保固南山一帶陵寢之後絕無驚塵虜壓懷城因郭秉忠迎敵可虞本官躬率標丁火器手開門策應步立城外督兵純用砲擊自已至申賊解圍去不敢以一騎睥睨該城他續種種不敢一述即此兩端其功偉矣大同分巡冀北道今革職張抑之虜自得勝鎮羗入口拒牆鎮羗出口失陷靈丘一縣得勝鎮羗王家莊三堡其罪也奴因鎮城本道隨撫臣之後親督火兵夜出西門砲擊斃賊無數賊解而藩封以固而同撫鹽城頭嬰擊與四面巡查各門鎖鑰皆本道一人獨任其勞也以上道將守備等員或功浮於罪或罪溢於功或功罪相準狀人人殊內如王國禎素稱能弁所遣遠哨健丁八名皆草地遇奴被殺則該備非不偵玩虜者孔登科倘若擁兵不進則其罪又何如輒敢以三千戰數萬方張之虜而能全強半登城戰爲守折雲梯十架紅夷斃賊無數而解危圍則該將與守備李承勳似當仍以功論也馬貴閣可久之不發一砲以虜未攻城至於道臣百責咸萃勞狀萬千非若將滿一路一堡之守其失陷也以勢不能分身遍設長轡而入口出口之罪亦難與將備同日論也外若宜鎮副總兵張懋功以失援左衛業被科參但奴屯宜鎮城東本將馳馬親斬一級臣甚壯之以至渾源陽和懷安膳房堡皆有血戰多功此該將功罪之略也迺若督撫鎮臣自有聖斷且

皆革任候議非臣所敢妄及但其功罪臣不剖陳誰當爲之剖陳以告皇上哉奴報西行始於五月其未至也不能遠偵以得其情其將至也不能力堵以遏其入其伍旬於內也不能合攻汎一掃以揚天朝撻伐之威以正逆虜猾夏之罪俟其遍掠颺去墮城堡擄男婦空牛羊蹂稻梁此諸臣之罪所同也而其功則異以言乎鎮臣在曹文詔雖無大捷而策應四出桑乾河之驚營十里河之斬級城下誓死一戰斬級生擒足寒奴胆及拒牆大戰出口追奴即疾趨東援皆其實功也在張全昌則虜聞宣旅稱強去來兩次不敢言攻本鎮躡賊蔚川雖斬獲無多賊以此盡出宣境渾源奇捷膳房尾剿多功皆足爲邊疆生色若陽和對敵臣在城頭目擊其與張懋功提戈督陣而青邊羊房扼其東奔不令奴以敖倉爲地主致山陵有震鄰之警此又本鎮之隱伐也兩鎮功級其在宣鎮者臣於返宣之日即同撫監鎮道于教場公同驗賞因渾源有殺良之議又再三牌行驗功多官覆勘雲功雖未經臣親驗亦照宣府嚴責巡道都司通判推官多員勘驗俱皆取有結狀移送職方司自奴入口以致出口之日宣功共三百八十四級雲功共五百六十四級尙有零級未解驗者其有無良降頭顱具在可憑也雲撫胡沾恩壯猷浩氣他不具論奴酋盡合諸營環攻四晝夜砲彈所加雷砰雨下撫臣憑城對擊官兵士庶人皆勇奮見重圍不解出奇夜襲躬督步兵火陣直逼奴營擊中酋孽王子立隕一星說者咸云奴驕賊遂東北奔徙其死于城擊夜擊者莫可紀極此其守功豈在寧遠下耶宜撫焦源清精心密畫議者或以不一躬親援搗少之而渾源一捷實出撫臣先籌催戰左衛雖陷蓋已逆知顏垣不守力主歸併四百余家之生靈輜重因以全活主客轆轤奴虜往還諸城芻精砲藥迄今有余不可謂非拮据綢繆所至而設伏設備瑣而不盡述者尙多也督臣張宗衡十年塞北其滅虜恢疆之志欲城豐州致黑駝駛夢寐不忘製砲四千余位

藥數十萬斤費二萬余金不關公鑄制奴長技兩鎮賴之奏功匪細而懷仁夜擊奴因不敢長驅首地羊房等處提師布砲奴驚軍門飛渡舉皆督臣實心實事若夫單騎冒險弘賜懷仁右衛等處皆賊正鳴張之地每欲躬搗夷營武臣無其胆勇也以上督撫諸臣論兩鎮失偵失堵之罪則當論宣鎮斬級三百八十餘顆捉獲奸細活夷二十七名奪獲夷器馬贏牛羊弓箭二萬一十餘匹頭隻件頂付救回難民男婦一千六百四十七名口雲鎮斬級五百六十餘顆捉獲活夷奸細六十四名奪獲夷器馬贏牛羊弓箭共五千三百九十餘匹頭隻件頂付救回難民男婦二千五百名口之功而砲矢擊斃王子夷目酋兵幾於萬計不與焉論宣失兩城三堡雲失一縣三堡之罪則當論其各保一重鎮宜保八路城堡共六十八處雲保八路城堡共六十六處之功論大小武臣捷級之功則當論大小文臣主客馬兵芻糧鎧甲弓刀砲槍火藥之功而後功罪始無簡重文武不至偏輕以服人心以昭國典垂史冊而成令甲也監視內臣尤非臣所宜及但諸臣俱奉議處之旨臣又曷能默默處此夫監臣有查飭之責自當因封疆分過但積虛積弱之地諸臣無有不竭盡心力者如中軍王鎮雖抱疴之時登城擊虜夜襲遐衝實同謀略中軍武俊晝夜巡查四面風門火器稽嚴門禁督運西城本監於張家口奴酋入口則發兵遏虜出口則督兵擊虜皆有斬獲多功焉監視劉文忠捐金購士決策運籌內安宗庶外制虎狼危鎮鞏於苞桑臨邊追虜於拒牆等堡內虜一靖東援上谷與撫臣介馬而馳皆其昭昭耳目者也監視王坤奴入狂奔咄嗟之頃素所派練兵夫五千一鼓登城槍砲嚴整南面拜放紅夷三次擊賊數百賊始南奔巡視全城授方略覈器具兩月如一日焉及奴西旋先遣精兵數千堵守張家口遏賊東奔蔚渾之捷以本監檄兵之早任內措買火藥鉛鐵百餘萬預布城堡而懸賞捐貲尤有難縷述者也此皆兩鎮文武有罪諸臣臚列

殆盡於其罪無敢一字徇於其功無敢一字飾倘有纖欺臣甘褫斥惟我皇上洞鑒詳察議罪則炳若照臨議功則宏以覆載令邊臣罪無所逃功無所掩是則天地日月之心也伏乞勅下該部覆議以功次之多寡衡罪狀之重輕上請聖裁施行則罪案畢舉無遺議矣至若臣者於邊防泄弛無能先事糾參援餉遲滯無能就中償督卽皇上察臣受事未久及身在陽和於昌運並未奉何公移臣何敢引以自解臣尤罪之首也臣因再有請焉自奴發難以來惟寧城之守與宣雲差相彷彿深井沙城井應等功在寧之上而喪覺華兵糧數十萬計則宣雲無一失也當時所核功罪所定賞罰成案具存臣望皇上以一體視諸邊以寧前待宣大則除級功外鎮路文武尙有兩月行間幾輕戰陣者有乘城露宿宵晝戒嚴者有空輸芻粟運躋木石者紳衿甘勞盡瘁捐金出粟者并乞容臣查奏叙賚且查寧案政府部科曹司內廷侍臣及督兵督餉與夫督解軍需皆應首叙而後北塞臣民有一矢一日之功者卹皇仁而增感奮中朝之贊襄宸扈區畫邊陲咸仰聖德並乞勅議行臣遵奉以成盛典臣無任激切待命之至崇禎七年十一月初一日奉聖旨兵部知道

監視登島太監魏相題本 清詒崇禎七年十一月十一日抄送奉旨五日爲期應本月十二日咨行議奏兵部呈於兵科抄出

欽差監視登島等處兵舡糧餉海禁事務司禮監提督太監臣魏相謹題爲塘報事崇禎七年十月二十一日准登萊監軍道臣黃孫茂塘報內稱崇禎七年九月二十五日准東江鎮臣沈世魁塘報前事內稱該職奉部文親督官兵出江上遣兵分三路搗剿於本月初一日已先具報外本年九月二十二日據前差標後營游擊李國柱督旂參將曲承恩游擊李尙忠等報稱卑職等於前月二十八日奉令督兵搗剿帶領各營中軍千總把總李永秀孟有陞崔國位梁有功高鳳翔李良富李春枝趙宗禹蔡成功王天福楊成樑楊應時崔士達馬進功楊弘印等共二千三十餘員名於本月初一日自昌城過江一路連遇大雨深澗高山潛行潛住至初十日始至火連山筍營離老寨五十里遣前哨偵探去後十一日大雪漫空至夜方住約深三尺兵不能進十三日據前哨官兵李尙選等回報前去五六十里地名蘇谷里寨係東右寨南首約有達賊三百餘家等情職等同督旂曲承恩李尙忠各帶兵分三股並進約至是夜四更齊至舉火爲號至期我兵直上吶喊殺入奴賊不知我兵多寡四下亂竄山林嶮峻樹木叢雜因風縱火燒村堡火光耀日炳天我兵結隊成陣當夜陣斬夷級五十三顆活擒老幼男婦二十名口夷目一名尖山當獲達馬十九匹牛十一隻夷器夷帽無數糧米牲畜頗多不能駛運查輕重傷兵丁共三十二名又所擒夷目尖山供係七王子下牛鹿會說漢語供稱先聽麗人傳報東江大兵上岸各屯堡達子俱趕入老城住守止有我等百數家因糧打不完在此居住等語又供西犯達子俱已回巢職等見各兵遠行疲敝且恐天明老寨達子知覺追來收兵急退於十七日回至瞭馬佃子正在歇息造飯有達賊一千餘騎飛馬冲營有家丁李世爵等往前就跑職等將爲首十餘人齊割雙耳誓之曰進

亦死退亦死有一人不用命者先斬衆心始定且喜鎮主先承監軍道密示布置前後中三策撥派揭掠董茂設伏瞭馬山谷多備火藥以供策應正在齊起迎敵奴騎冲來急難之時二將將一隊伏兵前來衝陣我兵心胆愈壯神氣愈王各奮勇死戰槍砲弓箭對打自未至申連合數陣拒戰多時我兵箭射正中騎兔合馬頭目一名落馬身死餘賊箭傷砲死者甚多因主將身死方漸漸退却職等移據山崗防其後來以死命相許當查陣亡有腿蹶不前王得功等一十四名被傷兵丁二十八名失去先斬夷級五十一顆老幼男婦一十七名口馬十四匹是夜五更月色微明各兵披營緩行疲困至極達騎復追至七道河正在危急間有本鎮後差遊擊錢富汪懋功夏雲程等奉本鎮號令預帶兵到江沿前來接應分兵抵敵達賊遂不敢追及於二十日過江見北岸鴈水嶺青山一帶騎馬達子蜂擁往來常有登島監視下把牌張連馬忠李文成何文祿登鎮蔡裕及前鋒遊擊張鵬翼監軍道所遣督陣官馮廷用沈懿徐彥隆孫翰吳應賓陶鳴鳳王文龍周兆龍王虎周興仁許奇功張啓亮王文俊沈存誠劉用世關寧中協參將黃蜚天津遊擊董士元防院齋賞都司顧盡忠等各住兵舡停泊江口張聲樹援間出奇兵哨禦賊遂不敢前進當日蒙本鎮奉部文撤兵隨後漸次進島等情到職據此該職受任恢剿鎮守東江所爲蒐卒簡乘犁庭掃穴以無遺君父憂者固職分內事今奴賊狡然敢疆上谷雲中之間遍處蹂躪誰司東邊鎮鑰煩至尊而憂社稷乎魁實奉職無狀罪茲大矣八月十一日奉院監部咨二十一日接監軍道黃孫茂手箭密授石畫指示方畧職即移咨朝鮮陳兵江干多樹疑幟廣布間諜爾時奴騎偵探鮮人傳送又見海上舳艫相望岫尾並進奴計雖狡先聲奪氣迨八月終旬間內臣監軍總鎮付將等聞八月初三日出關二十日後次第抵島島中兵將過江請監軍居中調度卽面相商酌分派信地繇愛州鳳凰城而